

s288(22)

0-16

7/22
INFANCY
TSALO

1.

Moimana: Molao oa mosadi ha a le moimana ke gore:-

1. A seka a tlhola a ntse a tshega ka digole.
2. A seke a tshoga dilo tse di mashoe.
3. A seke a omana le ha kgopiloe.
4. A seke a nna a ipaea ka pelo e botlhoko.
5. A seke a sheba dibatana tse di tshosang.
6. A seke a hakgamalela digole.
7. A seke a ralala matsatsa.
8. A seke a okomela mo matlung a dikoko.
9. A seke a sheba dintwanyana kgotsa dikatsane ha di ise di buduloge matlho.
10. A seke a noa metsi a ema, a dule hatshe. Le ha a noa metsi a seke a a noa otlhe, a mangoe a a tlogele mo ganong mme a a kgoe.
11. A seke a tlhola a ntse a robetse motshogare le ha a otsela.
12. A tlogele go tlhola batho a le me teng ga ntlo. Ha a rata go sheba selo; a tsoe mo teng ga ntlo 'me a se shebe a sa se tlhole. A seka a tsaee nnale 'me a roka. Ga a tshoanela go roala dilo tse di bokete. Le gape Betsoana ba re:-

1. Moimana a seke a ja tlhapi.
2. A seke a ja nama e photongoane.
3. A seke a ja mae.
4. A seke a ja nama ea tshipo.
5. A seke a ja kgatsele ea kgomo, kgotsa ea pudi.

Le gone a seke a ea koa sakeng ja dikgomo le ja dihutshane. A seke a re: Ao! khoe! Ijaa! Bonang! Tiro ea gagoe ke go apaea, go hiela, go tlhooa le go tlhatsoa megotaana. 'Me ga a itshubi mo sebopegong sa gagoe. Empa sebopego sa gagoe o se bolelela monne oa gagoe hela e seng batho ba sele. 'Me o tle a dule mo ga gagoe go hitlhela kgoedi tse di shupileng di hela, 'me jaanong a ee koa go mmagoe ha e le pelego ea ngoana oa maitibolo. E, o ntse a kopana le monna oa gagoe le ha a le moimana. Mosadi ha le mo tshikarong o tshoarea sentle go heta ba bangoe 'me le ha a ne a ntse /a sa tlotloe.....

MMM

- a sa tlotloe: ha le moimana o tlotloa thata. Le gone ga a bidioe
2. leha a ka dira mashoe gone gotoe ga a esi gone moea oa gagoe o ile koa namaneng. Le gone ga a kgopisioe oa ikobeloa ha go bonoa e kgopiloe. Betsoana ba mmitsa ba re: Mosadi e motonna. Basotho ba re: Mora Mokgetshane. Ga a je dijo tse di thata o nea tse di monate le tse di monate. Ha moimana a batla dijo tse di sa dirisioeng thata, ke tshoanelo ea gore a di neoe. Sengoe le sengoe se o se batlang oa se neoa. Mosadi oa moimana o na le thata e nngoe hela e makatsang gone ga a keke a shoa hela ha e se ka go loioa. Mosadi oa moimana ga a shoe a shoe hela. Ditiro tea gagoe ke tse di sa ratoeng ke batho. O tle a dire dilo ka boomo hela a sa 'kgathale gore a o dira mashoe. Le gone o lemoga dilo tse di hitlhegileng mo go ba bangoe. Ha a lorile selo go itsioe gore se tla nna jalo. Ha mosadi a kgokgoma, monna oa gagoe o tshoanetsego ikgapaha mo go direng dinyatsi. Le gone a seke a tsamaea le bosigo. Gape a itise mogo omaneng le mosadi eo. Go tlhotse gore go ka itsioe gore mosadi o sikere eng, a ke mosimane kgotsa mosetsana. Ha ese ka dikai le ditshupo hela. Gone ha mosadi oa moimana a tlhoisioa banna 'me a ratisioa basadi, ke gore o sikere ngoana oa mosimane. Ha a ratisioa banna ke gore o sikere mosetsana. E, dingaka tsone di tle di itse, 'me seng tsotlhe. Ha mosadi a tsala bana ba basimane hela kgotsa ba basetsana, ha setsoa se sena go tsoa, sea tlhanoloe 'me se ee go epeloa se le jalo, 'me jaanong a tsale ngoana oa mosimane ha a ne a ntse a rulaganya basetsana. Empa ko ntle ga moo ga a kake a ngoana oa mo eng ka go rata ga gagoe. Ha mosadi a le bokete, 'me a tshoga tau, o tle a e gotse, 'me ngoana oa gagoe a tshoane le eone. Ha
3. a ntse a tshega ka digole, o tsala segole. E, gongoe o tsala segole kgotsa semumu e leng ka kotsi hela. Le gone o tle a tsale ngoana eo o tlhogo e ka reng ea tlhapi gone a ne aa ja ditlhapi thata ha a sikere ngoana eo. Se se tlhotseng ke gore e ka re ha mosadi a gokahetse le monna o sele, 'me a ithoala, o tla dira gore ngoana a tshoane le monna oa gagoe, le goka! Ha monna a ile a kopana le mosadi gagoe hela, oa ithoala le ha go le jalo. 'Me ba ba ntsi ba tle ba itatole ba re ga se bone. 'Me ha a budioa gore

a ga aise a ke a kopane le ene, a re: Ke kopane le ene gangoe hela. 'Me banna ba re: O no o re o dire ga kae? Ke moo thaka, di tthagile tsa gago. Ga kopana gangoe hela le monna go lekanye. 'Me matsatsi a go kopana le a go belega a a itsioe, go tlo go baloe matsatsi. Nako ea pelego ea itsioe. Moimana o noa ditlhare gore ngoana a tlie le gone a tle a belega a sa tshoenyega. Le gone o apesioa dipheko gore batho ba se ke ba mo hunelela mahuto gore a seke a belega. Moimana oa siǎiloa gore ngoana a robale sentle a seke a bobodisa mmagoe, oa tlhapa. Se sengoe gape o direloa moitlamo o o tlamang mo mpeng. Betsoana ga ba tle ba direla diaparo tsa ngoana ruri gonne ba re ga ba itse gore a e tlaa nna motho. Di diroa ha a setse a tthagile. Legolo ha o tlaa belegeloa ng gone ga ga siamesioe a ise shebeleloe. Empa ditlhare tsone dia siamesioa.

Go heteloa: Re boletse gore mosadi oa moimana ga a a tshoanela go dira dilo tse di bokete. Ka gore o ile dioa gone go re a seke a senyegeloa. Le gone a seke a nteoa o tlaa senyegeloa. A seke a noa ditlhare tse di tsholodisang thata o tlaa senyegeloa. Tse ke melao e megolo e e ea tloloeng. Ha monna a ka dirisa moimana 4. ditiro tse di boima, 'me a senyegeloa, o duedisioa kgomo. 'Me ha moimana a ka senyegeloa ka go tlola melao e le go tsamaea mo metsing a a tsididi e le ke go tlhoka kutlo hela; oa lelekoa a isioe ga mmagoe gotoe o mokgoa o o mashoe. 'Me ba ga gabo ba mmetse ba ba mo kabolole ditsebe tse pedi. Gongoe o senyegeloa e leng ka go x loioa ke dira go re a seke a bona bana.

Betsoana ba re ngoana o tshimolola go nna le moea kgotsa setshidi ha mmagoe a le mo kgoeding ea bone. Ha mosadi a tla senya mpa ka ditlhare, ke moila o mogolo thata. Setlhare se se senyang mpa ke kgapumpu. 'Me tiro e, e ea pipitlhoa legale. 'Me serametlana se tle se epeloe ke basadi hela koa thuthubudung banna le bana ba sa bone go le bosigo.

Peliso: Mosadi o belegela mo tlung e eleng ea gagoe hela go sa tseneng ope mo go eona. 'Me o belegela mo godimo ga moseme kgotsa phatsana. 'Me batho ba sele ga ba tsene mo motsetse o gone. Ntlo ea motsetse e tlhongoa lotlhaka, 'me go itsisioe batho gore

semangeng o na le ngoana. Ha mosadi a belega a nna le mmagoe hela. Ba ga bone monna ga baa tshoanela go nna gone gone mmagoe o ba a sa molaea ha e le ngoana oa ntlha. Monna oa gagoe ena o ba a le kgakala ka nako eeo. Motho eo o thusang mo pelegong ke mosadi eo o batliloeng ka go itse go belegisa. Ha a diega go belega o mo sioa kgapumpu. Ha mosadi a imeloa ke go belega, ke ha irile a le moimana a be a ntse a tlhola mo matlung (dirubing)

5. tsa dikoko, go noa metai a eme, le gone a sa akgoe, go kgotsoa, go omana, go tlhola a rohetse le go okomela a sa tsoe mo tlung, le go loioa ke baloi. Ea re ha go le thata ditlhare di khamata le tsone, go gopoloe Modimo ka merapelo. Ha mosadi a a shoa a ise a gololoe, thusho ga e eo ea go thusa ngoana gore a tshele. Ha mosadi a a shoa ngoana a tlhagile, oa tlhapisioa 'me a nosioe letsoetlane ha a sena a omisioa. 'Me ha ngoana a sena go tlhaga, o lekanyedioa khubu mo lengoleng ja gagoe 'me e kgaoloe ke mmagoe, 'me jaanong mmagoe mosadi a e mene a e hapelele mo mpeng. Setla-morago shone sea epeloa. 'Me ka go tlhola batho ba loana, sea gotlheleloa le mbu gore se be se hele 'me go tsheloloe mbu oo.

Mahatlhana: Mahatlhana a bidioa Maelana ka e le batho.

'Me a tle a tlhomole pelo le ha go le jalo gone a tshoarisa bothata jo bogolo. Maelana a ntse a diroa jaaka bana ba bangoe. Bana ba digole le bone ba ntse ba ratioa hela jaaka ba ba siameng gone motho a sa latlho. Ha mosadi a tsala digole tse di ntsi, go diroa ke ha a nyetsoe ke ntsalae kgotsa ngoana ranganagoe leha e le oa mangoanagoe. Bana ba lekgotla ga ba nyalane.

Morago ga pellego: Ha mosadi a sena go belega, o tsaee matsatsi a matlhano a sa eme. 'Me ka kgoedi ea boraro, ke gone a tsoang mo tlung empa a sa kopakopane le batho botlhe. Ha a heditse kgoedi a le koa ntle, ke gone o tla tlhakanang le batho. Ka molao tota, motsetse o bona monna oa gagoe a ha a heditse kgoedi tse tharo. Monna ga a shebe gore a ga ngoana ke oa gagoe ha a sa belaele sepe

6. ke ena. Ha pelaelo e le gone, go tlaa bona mmagoe monna pele kgotsa go tlaa bona ka ngoana ha a sa choane le ba ga bone monna ka dibopego tsa gagoe. Melao e e itsegeng ke gore: Baeng ba seke ba tshara ngoana oa losea ha ba itse ba sa siama. A seke a eta

ka ngoana a sa mo thalea (a sa mo rala). A seke a tsamaea ka ena a sa mo komisa mokunisho oa metlhala o tlaa gatega. Ha mma ngoana a tsoa kgakala, a gamele mashi mo khubung pele go a mo anyisa gonne mashi a a hisa. Batho ba seke ba mo kgopisa o tlaa anyisa ngoana mashi a a mashoe. Ngoana a anye mashi a ga mmagoe hela. Ha a heditse dikgoedi tse thataro, a ngoe mashi. Ha mosadi a anyisa, o tshoanetse go ikgaptha mo go tihamokioeng ke banna le go dira boaka. Ngoana o a alahisa ka go nosioa ditlhare. 'Me a phekoloe ka go apesioa kgetsana ea dipheko le phogoana le metlhala gore a seke a siroa ke bana ba bangoe kgotsa batho ba ba ditlhare di mashoe. Dikotsi tse di tlhagelang lesea le mmagoe ke go bolaoa ke matsele. Ngoana o tshoenyola ke phogoana, metlhala le go gatega. Ha ngoana a ntshioa tlung, go diroa moletlo.

7.

Masea

Ha ngoana oa losea a ntshioa mo tlung (ha mmagoe a ntshioa) o kaeloa malomagoe mmagoe, 'me a mo shebe lepele. Jaanong a itse go tshoga 'me ha e le mosimane a re: Ke tla ja tse tona, setlogolo se ea sakeng. 'Me ha e le oa mosetsana, a re: A di tsene mo lapeng di se gane go tsena sakeng la setlogolo. Ha lesea le heditse dikgoedi tse tharo, ke gone o ntshioang mo tlung 'me a shupedia ngoedi e e tletseng 'me a kuruedioe ga gotoe: Koor - koor - koor-r-r-r! Ke eeo kgoedi. Jaanong gotoe o tshoere kgoedi ea mokurueo. Leina ja gagoe le boleloa ke bo mmagoe mogolo le bo rragoe mogolo. Mmagoe oa mo tsaee, 'me ha a setse a le motonna, o mmelega ka thari. Thari e, e diriloe ka letlalo ja tshephe, le shugiloe ke maloma a mmagoe 'me a ba a le roka a le dira thari. Ngoana o eloa tlhoko thata ka go mo tshapisa, go mo anyisa, go mo nosa ditlhare le go mo shugilela. Ha mmagoe a sena mashi, o nosioa mashi a dikgomo. Ea re ha ngoana a sale monyenyane, a apesioe segaga sa gore a tsoe meno mo thamung. Le gone o phatsioa mo phogoaneng gore a se gatoe ke bana ba bangoe. Ha mmagoe a tsamaea o mo rala ka moupelelo oa metlhala gore a seka a gatega a ha a tlola metlhala ea batho ba ba ba sa siamang. Ha ngoana a una a mokotla o thata, oa tshageloa gore a itse go dula. Ha a godile 'me a gagaba, o diroa tshipidi gore a itse go tsamaea. Le gone o

/tloaedioa.....

MMM

tloaedioa bana ba ba tonna gore a tshameke le bone. Matlhoko a a kotsi thata mo baneng ke: Phogoana, letshololo, motanyego, mongaralalo, metlhala le go hisa ga mmele, sehuba, dimone, dinakaladi le go seithome le mmutloana. Setlhare se se hodisang

8. phogoana ea ngoana ke moroloane o mo namagadi le thogoe e thamaga. Oa letshololo ke potadikgaganeng le mothati le loetsane. Oa metlhala ke moroloane. Oa mongaralalo le motanyego ke sitloasitloane le mosalashuping le thara e kgolo. Oa go hisa ga mmele le go se ithome letsoetlane. Oa sehuba ke leshoko le phele le serokolo. Oa matlho (dimone) ke seletsane. Oa dinakaladi one ke sebaga hela. Oa mmutloana ke tlalo ja tlhong le moroto oa pela. Ha ngoana a tsoa meno a a ko pele a godimo gotoe oa medisa kgotsa o tsoa dinakaladi tsa bora. Ba neoa ditlhare ha ba tsoa meno gore ba dirise mala. Mosadi o tle a anyise ngoana oa ga kgantsadie ha mmagoe a shule kgotsa a sena masi. Ngoana oa ntlha oa sheleleloa ka leina ja bagologolo ba gagoe, 'me gotoe a seka a rogoa ke ope gone a sheleletsoe mogologolo kgotsa badimo. 'Me eo o mo rogang o tlaa duela masapo a mashoeu go a epolola. O direloa moletlo o mogolo oa boitumelo ha ngoana tsoa mo tlung. Re boletse gore ngoana o sheleleloa bagologolo. 'Me o le neoa ke mmagoe-mogolo kgotsa rragoe-mogolo. Gongoe e nne Pule, gone a bonoe ka pula. Gongoe e nne Monna oa pula kgotsa Germany ka a tsetsoe ka ntoa ea Majeremane jalo jalo. Le gale go a tlo go buioe go reroe gore o tla reoa leina lehe, 'me go dumeloe je le ratoang ke botlhe. Je lengoe ke la mereto jaaka: Radijo, Maboijane, Madinkoane le Ramosesane. Batsadi ba bana ba Betsoana ba ratile go reta bana ba bone thata. 'Me ba she maina a eseng a boneme gongoe ba tloge ba lebale go ba bitsa ka a eleng a bone tota jaanong go itsege g ja mereto. Ea re gongoe ba re ke Kuli, gone a tshoana le Lekula. Chaina, gone a tshoana le Lechaena. 'Me ga go ko go bopaki. Leina ja ngoana ga le hetoge go hitlhela a be a shoa. Empa le ha gole jalo o tle a neoe a metlhago ha a godile. Ha e le ka thulaganyo

9. le go latela mekgoa ea Betsoana ka moo ba bitsang bana ba bone ka gone le ka moo raanang maina ka gone: go gontsi thata. Batsadi ba reta bana ba bone ka maina a tlotlo. Jaaka ngoana eo mongoe ke

Sekukuni. Ha ba moreta ba re: Sekukuni sa mmashone, sa kukuna
se ntse se ikgata direthe se tlhola se ntse se reeditse

Maoto a ditlhola.

Sa gagabšla pele se ntse

Se rana ka matlho a sa bonye,

'Me mo di emang tsa itshoga digara,

'Me sa be se di bonye mo di tsoang

Le mo di eang, 'me sa di bolela banneng.

Batho ba ba lekanang (mephato) ba shana maina a a ntseng
jaana. Monkanaaka, mophato, oa thaka le molekane oa me, monna
kgotsa mosadi. Jaaka ha e le mo ntoeng kgotsa mo letsholong,
mophato o bitsana o re: banna, mophato, balekane le ha e le
selekane. Batho ba ba tloaelaneng ba re tsala ea me, 'me ha e le
moeti ba re: monna oa ga etsho, khumagadi oa moeng, kgotsa monna
oa moeng jalo jalo. Monna o tle a ree mosadi oa gagoe leina a re:
Mma-dikgomo, mmagoe mosimane, kgotsa mogatsa ka leha e le
khumagadi etsho. Mme monna o sha baadi ba banna bangoe ba re:
Masepentle, Mamokime, kgotsa leina lengoe hela je o ka le mo ~~raang~~.

MMM

ENDS. S 288